

**I**

Imenuje se Komisija za izbor radi provođenja Javnog oglasa za imenovanje Gradskog pravobranioca Grada Gradačac (u daljem tekstu: Komisija), u sljedećem sastavu:

1. Jelena Tokić, dipl. pravica - predsjednik,
2. Emina Turbić, dipl.pravnica - član,
3. Aldina Bajrić, dipl. pravica - član,
4. Elvir Nezić, dipl.ing. elektrotehnike - član,
5. Nihada Zelenkić, prof. razredne nastave - član.

Administrativno - tehničke poslove za potrebe Komisije, obavljat će;

- Edita Muftić, dipl. pravica - sekretar Komisije.

**II**

Zadatak Komisije je da u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine, Zakona o pravobranilaštvu („Službene novine TK“ br. 4/04, 5/08, 2/14 i 4/18), Odluke o utvrđivanju standarda i kriterija za imenovanje pravobranioca i zamjenika pravobranioca Gradskog pravobranilaštva Gradačac (“Službeni glasnik Grada Gradačac” br. 8/25) i Odluke o raspisivanju javnog oglasa za imenovanje Gradskog pravobranioca Grada Gradačac, br. 01-04-402/25 od 30.09.2025.godine, odmah preduzme sve radnje i aktivnosti u postupku provođenja Javnog oglasa za imenovanje Gradskog pravobranioca.

**III**

Rok za izvršenje zadatka je do okončanja postupka po Javnom oglasu za imenovanje Gradskog pravobranioca Grada Gradačac.

**IV**

Rješenje stupa na snagu danom donošenja i objaviti će se u “Službenom glasniku Grada Gradačac”.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -**

**Broj: 01-04-403/25  
Datum: 30.09.2025.god.  
G r a d a č a c**

**PREDSJEDAVALAČ  
GRADSKOG VIJEĆA  
Nedžad Šečić, s.r.**

**17.**

Na osnovu člana 9. i člana 14. stav (4) Zakona o eksproprijaciji („Službene novine FBiH“, broj 70/07, 36/10, 25/12, 8/15 i 34/16), a u vezi sa članom 200. Zakona o upravnom postupku FBiH („Službene novine FBiH“, broj 2/98, 48/99 i 61/22) i člana 21. tačka 26. Statuta Grada Gradačac („Službeni glasnik Grada Gradačac“, broj 10/22), Gradsko vijeće Grada Gradačac na prijedlog JU Direkcije regionalnih cesta Tuzlanskog kantona, na 9. redovnoj sjednici održanoj 30.09.2025. godine, donosi

**R J E Š E N J E**

1. Utvrđuje se da je od javnog interesa sanacija trupa regionalne ceste R-460 Gračanica-Bukva-Doborovci-Srnice-Vučkovci (spoj sa M 1.9 i R 460)-Hrgovi Donji-(spoj sa M 1.8) na stacionaži km.20+080.
2. Utvrđuje se da je radi sankcije navedene u tački 1. izreke ovog rješenja, od javnog interesa privremeno zauzimanje zemljišta označenog kao:
  - dio parcele k.č. broj 721/1 zvana „Brdo“ u naravi voćnjak 3. klase, upisana u p.l.-u 412 i el.zk.ul broj 891, k.o. Srnice Gornje, ukupne površine 553 m<sup>2</sup>, posjed i vlasništvo Mujanović Mersedada sina Bajre, **a površina koja se privremeno zauzima je 85 m<sup>2</sup>;**
  - dio parcele k.č. broj 721/3 zvana „Kućište“ u naravi voćnjak 3. klase, upisana u p.l.-u 412 i el.zk.ul. broj 971, ukupne površine 893 m<sup>2</sup>, posjed i vlasništvo Mujanović Mersedada sina Bajre, **a površina koja se privremeno zauzima je 69 m<sup>2</sup>;**
3. Utvrđuje se da je JU Direkcija regionalnih cesta TK korisnik nepotpune eksproprijacije.
4. Ovo rješenje će se objaviti u Službenom glasniku Grada Gradačac.

**O b r a z l o ž e n j e**

Gradskoj službi za imovinsko-pravne i geodetske poslove Grada Gradačac obratila se JU Direkcija regionalnih cesta TK, prijedlogom za utvrđivanje javnog interesa za sanaciju trupa regionalne ceste R-460 Gračanica-Bukva-Doborovci-Srnice-Vučkovci (spoj sa M 1.9 i R 460)-Hrgovi Donji-(spoj sa M 1.8) na stacionaži

km.20+080, navodeći da je za to potrebno privremeno zauzimanje zemljišta označenog kao:

- dio parcele k.č. broj 721/1 zvana „Brdo“ u naravi voćnjak 3. klase, upisana u p.l.-u 412 i el.zk.ul broj 891, k.o. Srnice Gornje, ukupne površine 553 m<sup>2</sup>, posjed i vlasništvo Mujanović Merseda sina Bajre, a površina koja se privremeno zauzima je 85 m<sup>2</sup>;
- dio parcele k.č. broj 721/3 zvana „Kućište“ u naravi voćnjak 3. klase, upisana u p.l.-u 412 i el.zk.ul. broj 971, ukupne površine 893 m<sup>2</sup>, posjed i vlasništvo Mujanović Merseda sina Bajre, a površina koja se privremeno zauzima je 69 m<sup>2</sup>;

Dalje se u zahtjevu navodi da je u trupu regionalne ceste R-460 Gračanica-Bukva-Doborvci-Srnice-Vučkovci (spoj sa M 1.9 i R 460)-Hrgovi Donji-(spoj sa M 1.8) na stacionaži km 20+080 evidentno ulijeganje saobraćajne trake u dužini od oko 15 m. Lokacija je u cilju postizanja ravnosti ceste više puta asfaltirana. Privremenim zauzimanjem su obuhvaćene dvije parcele duž lijeve strane saobraćajnice koja će se sanirati u sklopu Glavnog projekta, a zauzimanje zemljišta neophodno je za izvođenje radova sanacije.

Podnosilac na kraju svog zahtjeva navodi da će se realizacijom ovog projekta, osim sprječavanja daljeg propadanja postojeće cestovne infrastrukture, doprinjeti postizanju efikasnijeg odvijanja saobraćaja i poboljšanju bezbjednosti učesnika u saobraćaju.

Uz zahtjev je priložen geodetski elaborat nepotpune eksproprijacije, posjedovni listovi, kopije katastarskih planova, kao i zemljišnoknjižni izvadci nekretnina koje je potrebno privremeno zauzeti, radi tražene sanacije.

Članom 14. stav 4. Zakona o eksproprijaciji Federacije BiH („Službene novine FBiH“, broj 70/07, 36/10, 25/12, 8/15 i 34/16) propisano je: „Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.“

Članom 9. stav 2. Zakona o eksproprijaciji Federacije BiH („Službene novine FBiH“, broj 70/07, 36/10, 25/12, 8/15 i 34/16) određeno je da zemljište koje je potrebno za izgradnju objekata ili za izvođenje drugih radova od javnog interesa (smještaj radnika, materijala, mašina i sl.) može se privremeno zauzeti za vrijeme koje je potrebno za vršenje pripremnih radnji, ali ne duže od jedne godine.

Institut privremenog zauzimanja zemljišta nije eksproprijacija, iako je dosta sličan eksproprijaciji, naročito nepotpunoj.

Sličnost ovog instituta u odnosu na institut eksproprijacije ogleda se u tome što se privremeno zauzimanje, kao i kod eksproprijacije, može odrediti samo kada je to potrebno da posluži izgradnji objekata od javnog interesa ili izvođenju drugih radova od javnog interesa.

U odnosu na nepotpunu eksproprijaciju sličnost privremenog zauzimanja je u tome što u oba slučaja ne dolazi do mijenjanja vlasničkih odnosa, dakle, i kod privremenog zauzimanja (kao i kod ustanovljenja služnosti i zakupa ) zemljište i dalje ostaje u svojini vlasnika, a samo se privremeno ograničavaju prava vlasnika tog zemljišta.

Od služnosti privremeno zauzimanje se razlikuje po tome što je služnost trajna dok privremeno zauzimanje traje ograničeno vrijeme. Nadalje, služnost se može ustanoviti kako na zemljištu, tako i na zgradi, a privremeno se može zauzeti samo zemljište.

Zbog određenog vremena trajanja privremeno zauzimanje je slično zakupu. Međutim, razlikuje se od zakupa po tome što je zakup sam sebi svrha, odnosno uspostavlja se da se na određenom zemljištu izvode radovi od javnog interesa. Nasuprot ovome, osnovna pretpostavka za privremeno zauzimanje je da se vrši (ili da neposredno predstoji) izgradnja objekta od javnog interesa, ali na drugom zemljištu, dok će se na zemljištu koje će se privremeno zauzeti smjestiti mašine, alat, barake za smještaj radnika koji će raditi na objektu I sl.) Dakle, privremeno zauzimanje zemljišta je podređeno izgradnji objekta, ili izvođenju radova od općeg interesa.

Članom 58. Zakona o eksproprijaciji Federacije BiH („Službene novine FBiH“, broj 70/07, 36/10, 25/12, 8/15 i 34/16) određeno je da se naknada za privremeno zauzimanje zemljišta određuje u visini i na način kako je tom ovim zakonom određeno za naknadu u slučaju ustanovljenja zakupa, pa se tako shodno članu 57. u slučaju ustanovljenja zakupa naknada određuje u visini zakupnine koja se postiže na tržištu. Naknada se može odrediti u obliku jednokratnog iznosa za cijelo vrijeme trajanja zakupa ili u povremenim davanjima koja se plaćaju u jednakim vremenskim razmacima.

Članom 16. stav 1. Zakona o eksproprijaciji Federacije BiH („Službene novine FBiH“, broj 70/07, 36/10, 25/12, 8/15 i 34/16) propisano je:

„Prijedlog za utvrđivanje javnog interesa za

eksproprijaciju podnosi lice koje prema odredbama ovog Zakona može biti korisnik eksproprijacije. “

“Prijedlog za utvrđivanje javnog interesa podnosi se Vladi, odnosno vladi kantona ili općinskom vijeću putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilj eksproprijacije i druge podatke za utvrđivanje javnog interesa).

“Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema tog prijedloga. “

“Aktom o utvrđivanju javnog interesa, u skladu sa odredbama ovog člana, odredit će se i korisnik eksproprijacije. “

“Protiv akta o utvrđivanju javnog interesa može se pokrenuti upravni spor kod nadležnog suda osim u slučajevima iz člana 15. ovog Zakona.“

Članom 21. stav 1. tačka 26. Statuta Grada Gradačac („Službeni glasnik Grada Gradačac“, broj 10/22) određeno je da Gradsko vijeće u okviru svoje nadležnosti donosi pojedinačne i druge akte iz samoupravnog djelokruga u skladu sa zakonom i Statutom.

Slijedom navedenog odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja može se pokrenuti upravni spor podnošenjem tužbe Kantonalnom sudu u Tuzli, u roku od 30 dana od dana prijema istog. Tužba se podnosi neposredno sudu.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**GRAD GRADAČAC**  
**- Gradsko vijeće -**

**Broj: 01-04-404/25**  
**Datum: 30.09.2025.god.**  
**G r a d a č a c**

**PREDSJEDAVAJUĆI**  
**GRADSKOG VIJEĆA**  
*Nedžad Šečić, s.r.*

**18.**

Na osnovu člana 13. stav (2) alineja 18. a u vezi sa članom 8. stav (3) alineja 16. Zakona o principima lokalne samouprave Federacije BiH (“Službene novine F BiH”, broj 49/06 i 51/09), člana 46. stav (4) Zakona o predškolskom odgoju i obrazovanju (“Službene novine Tuzlanskog kantona”, broj 10/20 i 5/22) i člana 21. tačka 26. Statuta Grada Gradačac (“Službeni glasnik Grada Gradačac”, broj 10/22), Gradsko vijeće Grada Gradačac, na 9. redovnoj sjednici održanoj 30.09.2025. godine, razmatrajući Izvještaj o radu JU Dječije obdanište “Kolibri” za pedagošku 2024/25. godinu, d o n o s i

## ZAKLJUČAK

### I

Gradsko vijeće Grada Gradačac usvaja Izvještaj o radu JU Dječije obdanište “Kolibri” za pedagošku 2024/25. godinu.

### II

Ovaj zaključak stupa na snagu danom donošenja, a objavit će se u „Službenom glasniku Grada Gradačac“.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**GRAD GRADAČAC**  
**- Gradsko vijeće -**

**Broj: 01-04-405/25**  
**Datum: 30.09.2025.god.**  
**G r a d a č a c**

**PREDSJEDAVAJUĆI**  
**GRADSKOG VIJEĆA**  
*Nedžad Šečić, s.r.*